



REPUBLIKA E KOSOVËS / REPUBLIKA KOSOVA

KA.nr.425/22

GJYKATA KOMERCIALE E KOSOVËS, Dhomat e Shkallës së Parë, Departamenti për Çështje Administrative, gjyqtarja Vlora Pacolli-Rexhepi, në konfliktin administrativ sipas padisë së paditësit “Super Viva” me seli në Prishtinë, me NUI: 810800385, përfaqësuar nga pronari M.R., kundër të paditurës Agjencia e Ushqimit dhe Veterinarisë (AUV) me seli në Prishtinë, me kërkesëpadi për anulim të Aktgjykimit K.nr.1674/18 të datës 19.06.2020 dhe anulimit të Aktgjykimit Ka. nr. 311/2020 të datës 06.08.2020, jashtë seancës, konform nenit 34 pika 1.2 te Ligjit Nr. 03/L-202 për Konfliktin Administrativ, me datë 29.04.2024 merr këtë:

A K T V E N D I M

- I. **HEDHET** poshtë padia e paditësit “Super Viva” me seli në Prishtinë, me NUI 810800385 kundër të paditurës Agjencia e Ushqimit dhe Veterinarisë (AUV) me seli në Prishtinë, më çka ka kërkuar anulim Aktgjykimit K.nr.1674/18 të datës 19.06.2020 dhe anulimit të Aktgjykimit Ka. nr. 311/2020 të datës 06.08.2020, si e palejueshme.
- II. Secila palë i bartë shpenzimet e veta.

A r s y e t i m

Paditësi “Super Viva” me seli në Prishtinë, kundër të paditurës Agjencia e Ushqimit dhe Veterinarisë (AUV) me seli në Prishtinë, me NUI: 810800385, përfaqësuar nga pronari M.R. ka parashtruar kërkesëpadi për anulim të Aktgjykimit K.nr.1674/18 të datës 19.06.2020 dhe anulimit të Aktgjykimit Ka. nr. 311/2020 të datës 06.08.2020.

Pas shqyrtimit paraprak të padisë gjykata konstatoj se padia është parashtruar Kundër Aktgjykimeve: K.nr.1674/18 të datës 19.06.2020 të nxjerrë nga Gjykata Themelore Ferizaj,

Departamenti Administrativ, Divizioni për Kundërvajtje, dhe Ka. nr. 311/2020 të datës 06.08.2020 të nxjerrë nga Gjykata e Apelit, për të cilat nuk mund të zhvillohet konflikt administrativ, konform nenit 34 pika 1.2 të Ligjit Nr. 03/L-202 për Konfliktin Administrativ.

Siç përcaktohet në nenit Neni 10 1. të LKA - *të drejtë për të nisur konfliktin administrativ ka personi fizik si dhe personi juridik, nëse vlerëson se me aktin administrativ përfundimtar në procedurën administrative, i është shkelur ndonjë e drejt apo interes ligjor*, ndërsa në rastin konkret aktgjykim është nxjerrë në procedurë gjyqësore për të çka janë paraparë mjete të rregullta dhe të jashtëzakonshme të goditjes, por në asnjë rast nuk mund të hapet konflikt administrativ.

Lidhur me shpenzimet procedurale gjykata vendosi në bazë të nenit 64 të LKA-së.

GJYKATA KOMERCIALE E KOSOVËS
Dhomat e Shkallës së Parë Departamenti i Përgjithshëm
KP.nr.425/22, datë 29.04.2024

Gjyqtarja
Vlora Pacolli Rexhepi

KËSHILLË JURIDIKE: Kundër këtij aktvendimi palët kanë të drejtë ankese në afat prej 15 (pesëmbëdhjetë) ditëve, nga dita e pranimit të aktgjykimit, në Dhomën e Shkallës së Dytë në Gjykatën Komerciale të Kosovës, përmes Dhomave të Shkallës së Parë të kësaj Gjykate.